

Йонгыдо кавашке чон үжеш күзаш...

Шочмо кундем кажне айдемылан эн шерге. Изинек ме тыште вий куатым погена, уш-акылнам пойдарена, а кушкын шумекына, тудым аралаш ямде лийшаш улына. Кажне айдеме шке вер-шөржым мокта, тудын дене кугешнен ила. Марий сылнымутнам шуко поэт, прозаик, драматург пойдарен шогат, поснак, тиде Морко кундемын талантан эргыже ден үдыржө-влак.

Арам огыл Морко мландым
«Талант памаш» манын лүмдат.

Ятыр лүмлө уста енже
Шочын-кушкын лач тыштак.

Кажне творческий шүлышан айдеме, кеч изиш шке илышыжым литератур дене кылдымыж годым, сылнымут аланыш шке надыржым пышта. Перо йымачше лекше произведенийже-влак, шке верыштым налын, марий ойпогынам пойдарен шогат. Сандене, мутмастарын пашаже ты шотышто нимучашдымын шергакан, суапле. Кажне серышын пашаже - тиде посна тўня, тудым шолын лекше изи памаш дене танастараш лиеш. Нуно мыланна, лудшо-влаклан, илышын моторжым, сылнылыкшым ужаш туныктат, осал деч эрнаш үжыт.

2018 ий Морко поэт писатель-влакын лүмгечыштан поян. Нунын лүмеш Морко книгагудышто «Ший гай волгалтше Морко мут ярым» проект возалтын. Библиотека системын вуйлатышыже, Семенова М.Н. куснылшо шарнымаш статуийым Шале книгагудо-пашаен-влаклан кучыктен. Тиде статуй идалык мучко лүмлө-поэт писатель-влакын лүмгечыштан пөлеклалтше мероприятийлаште символлан шотлалташ туналеш. Февраль тылзыште тиде статуй Эгерсола лудмо пörтыш кая.

Проект пашан тўнгатышыжлан Кугу Шале книгагудышто Аркадий Иванович Букетов-Сайнын 85 ияш лүмгечыжлан пайрем кече эртаралтын.

«Лишыл шерге мыланем нимо деч шүмбел мландем» лўман пайрем шуко уна-влакым поген. Талантан поэтын эн изи үдыржо – Шолнерова Галина Аркадьевна шке ешыж ден, пырля пашам ыштыше йолташыже дене эн вучымо уна лийыныт. Сулло журналистын тукум шўжарже – Лобанова Зинаида Ивановна – Россий Федерацийын туныктымо пашан почетан енже, Кугорнымбал Шале школышто пырля тунемме йолташыже, туныктымо пашан ветеранже, Йогор-сола ял гыч Владимир Ильич Ильин, Эгерўмбал ялын палыме наука пашаенже Сергеев Олег Арсентьевич, Марий книга издательствын пашаенже-влак – сулло журналист Борис Алексеевич Шамиев, писатель Юрий Ильич Соловьев да Купсола тўн школын туныктышо да тунемшыже-влак, ял калык толыныт.

Шарнымаш кечым Морко муниципальный районым вуйлатыше, районысо депутат-влакын погынын председательже Иванова Светлана Михайловна, Шале ялшотан илемын вуйлатышыже Николаев Сергей Леонидович поэтым поро мут дене шарнен почыч.

Российысе журналист-влак ушем член, Марий Эл республикын сулло журналистше, поэт, Морко мландын Энерүмбал ялын эргыже Аркадий Иванович Букетов-Сайнын илыш-пүрымашыже, паша корныжо, еш илышыже калык коклаште поро шарнымашым веле коден.

Ўдыржо, Галинан, шарнымаш мутшо гыч Букетов-Сайн мут колыштшо эрге, полышым пуаш эреак ямде улшо иза, ушан тунемше, поро да тунамак пенгыде ача, ешыште ўшанле пелаш семын пале лие.

З. И. Лобанова поэтын Өтөгөн тукум-вожын шарлен шогышо илыш-корныжым шымла да погынышо уна-влакым шке пашаж дене палдарыш.

О. А. Сергеев, Марий Эл республикын почетан наука пашаенже, шкежат Энерүмбал Шале гыч, уста туныктышын тукум шольбыжо лиеш. Тудо Марий Биографический Энциклопедийышке шке ялысе чолга эрге-влакын лўмыштым пуртымо нерген палдарыш.

Туныктымо пашан отличникше – С.В. Петрова, А.Букетов-Сайным райкомышто пашам ыштыме жапше гыч шуко лудшо, енын кумылжым пален ужын пагален моштышо айдеме семын палемдыш.

В. В. Сорокина, Марий Эл республикын туныктымо пашан сулло пашаенже, шуко ий Купсола школым вуйлатен, сандене верысе писатель-влакын возымыштым шымлен шоген. Тудо палемдыш – Букетов-Сайн тукум Кугу Шале кундемшыште эн кугу да виян.

Азъялыште илыше Михайлов Валерий Викторович тўжем утла краеведческий материалым поген, тидлан Валентина Васильевна Азъял школ кўргыштў музейым почаш кўлешлыкше нерген йодмаш семын ойлыш.

Марий книга савыктыш пўртын вуйлатышыже, Соловьев Юрий Ильич, печатлалтше у марий книга-влак дене палдарыш. У ий деч ончыч лекше, Миклай Казаковын 100-ияш лўмгечыжлан савыкталтше «Муро – илыш, муро – вий» да шкенжын «Тумышан леведыш», «Запоздалый букет» книга-влакым Кугу Шале книгагудылан пўлеклыш.

Пайремыш погынышо уна-влак Кугу Шале книгагудышто ыштыше, чолга, книгалан шўман да лудаш таратыше Гурьева Алевтина Николаевна, Владимирова Лилия Сергеевналан, верысе «Ший онгыр» ансамбль, вуйлатышыже - Тимофеева Светлана Николаевналан да клуб пашаен-влаклан кугу таум каласышт.